



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 7. Secunda S. Germani in Britanniam profectio.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Saeculum V.
A.C. 445.

§. VII.

*Secunda S. Germani in Britanniam
Profectio.*

*vit. S. Germ.
per Const. c.
30.*

Sanctus Hilarius arcta necessitudine jungatur S. Germano Antissiodorensi, quem Patrem suum appellabat, & tanquam Apostolum venerabatur; quippe S. Germanus urgente Charitate Arelaten venerat, ut Auxiliari, Galliarum Praefecto, supplicaret in levamen urbis Antissiodorensis, quam, ex magna Britannia reversus, insolito Tributorum onere pressam invenerat. Ubicunque in hac profectioe transibat, venienti populus cum mulieribus, & infantibus obviam procedebant, ut sibi vir Sanctus benediceret. Alisæ, Nectariola, uxor Presbyteri, cui

c. 32. Nomen Senator, paleas, quas S. viro, cubitum concessuro, substraverat, sibi reservavit, atque his ligari Energumeno salutis fuit. Arelaten adventanti, Auxiliaris Praefectus insolita humanitate longo itinere obviam ivit. Honestissimum viri

Magnus. Das beste in dieser Anmerkung ist, daß unser Uebersetzer sich auf niemands Zeugniß beziehet, und er allein keinen Glauben verdienet. Wenn der Heil. Hilarius wäre Römischer Pabst gewesen, und der Heil. Leo Bischof zu Arles, so würde er ohne Zweifel dem Heil. Leo wider den Heil. Hilarius das Wort geredet haben.

viri vultum, urbanitatem, & sermonis Sæculum V.
A.C. 446.
Auctoritatem demiratus, fama, quæ de
eo optima erat, majorem edixit. Ergo do-
nis S. Episcopi Pietatem sollicitare aggres-
sus, rogavit, ut uxorem suam, quæ jam
diu quartana laborabat, sanitati restitue-
ret, & obtinuit; ipse, ut vices redderet,
S. Germano libenter concessit, ut popu-
lus ejus a nimiis oneribus liberaretur.

S. Germanus, ad Ecclesiam suam re- Const. lib. II.
c. 1.
diens, altera jam vice in magnam Britan-
niam vocatur, ut Fideli Populo adversus
pravitatem Pelagianorum, quæ rursus
dilatari cœperat, succurreret. Is itine- c. 2.
ris Socium sibi adscivit Severum, Epis-
copum Trevirensis, S. Lupi Trecentis
Discipulum. Hanc profecionem anno
446. susceperunt. Cum in urbem Pari- Sup. XXV.
S. 16.
siensem pervenissent, S. Germanus, quid
S. Genoveva ageret, exquisivit, audivit-
que, esse, qui Puellæ famam foedissime
lacerarent; ipse, qualis esset vita ejus,
perspectum habens, domum Virginis adi-
vit, & verbis ad humilitatem compositis
cum omnium admiratione salutavit. Ver-
ba deinde ad populum fecit, ut objecta
dilueret, atque in Castitatis argumen-
tum in loco, quo cubare solebat, terram
lacrymis ejus humere ostendit. Cum
omnibus persuasisset, esse innocentem,
iter profecutus, prospere in Britanniam
trajecit.

Viri

Sæculum V.

A.C. 446.

Const. II.

c. 3.

S. Germanus
in Britannia.

c. 4.

c. 5.

Viri Sancti adventum per totam Insulam maligni Spiritus manifestarunt; hinc aliquis, cui nomen Elaphius, illius Regionis Princeps, nullo alio indicio S. Episcopis obvium se contulit cum filio, qui in florentissima ætate, contracto poplite & crure arenti affligebatur; ambobus magna populi sequebatur multitudo; at S. Germanus, sciens plerosque eorum Eadem Catholicam conservasse, atque Hæresin a paucis doceri, illos quæsit, invenit, & condemnavit. Interim Elaphius filium viro Sancto sistit; Sanctus Germanus sedere infirmum iussit, tum poplitem, & crus manu contrectans, toto populo præsentem sanat. Cunctis hoc Miraculo in Fide confirmatis, vir Sanctus hortabatur, ut errorem proscriberent; omnibus visum, tota sua Ecclesia ejiciendos esse Hæreticos; hos igitur ad duos Episcopos adducunt, in interiores Galliæ Provincias dimittendos. Hoc modo liberata Britannia Fidei puritatem retinuit

Vix S. Germanus ad sua pervenerat, cum missa ad eum Legatione vocatur ad oram Armoricæ, quæ hodie Britannia minor dicitur. Aetius tunc in Galliis imperans, ut hos populos, Cæsari Rebelles, puniret, illuc Eocharicum, Germanorum Regem, virum ingenio feroci, & Idololatram, immiserat, qui seditiosos ad obediens

obedientiam compelleret. S. Germanus, nihil cunctatus in eam se Regionem conferre, non prius tamen illo pervenit, quam Rex Barbarus cum plurimis equitum turmis irrupisset; processit igitur, donec in conspectu staret; tum per Interpretem suppliciter petiit, ut cœpta Expeditione absteret, negantem objurgat, & tandem manu prehensò equi frœno cum toto Exercitu cohibet. Barbarus, admirans viri audaciam, passus est de Pacis conditionibus mentionem fieri, & ad priorem rediit Stationem, pollicitus, se suorum vim ab hac Provincia amoturum, si modo ea facti veniam vel ab Imperatore, vel ab Actio impetraret.

§. VIII.

S. Germani Antissiodorensis obitus.

Ut igitur S. Germanus Cæsaris iram mitigaret, suscepto in Italiam itinere, Ravennam ad Regiam profectus est. Cum ad amicum suum Senatorem, Presbyterum, e via divertisset, puellam, ab annis viginti loquendi facultate privatam, sanavit; Senatori dixit, alterum alterius vultum in hac terra non amplius visurum. Augustoduni Virginem, manum contractam, & ungues, carni immerfos, habentem, infirmitate liberavit. Mediolanum pervenit quadam die, qua multi Episcopi erant congregati, alicujus Sancti Festum

Hist. Eccles. Tom. VI. C c cele-

Sæculum V.
A.C. 446.

c. 6.

c. 10.